

Ilinniarnertuunngorniarfinni ilinniartitsinissamut piginnaaneqarneq pillugu Namminersorlutik Oqartussat nalunaarutaat (pædagogikum pillugu nalunaarut)

Ilinniarnertuunngorniarneq pillugu Inatsisartut inatsisaat nr. 13, 22. november 2011-meersumi § 57, imm. 2 aamma 3, Inatsisartut inatsisaatigut nr. 4, 30. maj 2014-meersukkut allanngortinneqartoq, tunngavigalugu aalajangerneqarpoq:

Kapitali 1

Nassuiaatit

§ 1. Pædagogikkumimik ilinniartuq paasineqassaaq tassaasoq, ilinniartitsisoq pædagogikkumimik aallartitsisimasoq, sulili naammassinngitsaq.

§ 2. Ilinniartitsissummi ilinniartitsinissamut piginnaaneqarneq paasineqassaaq tassaasoq, ilinniarnertuunngorniarfimmi ilinniartitsissummi ilinniartitsinissamut piumasaqaataasumik piginnaaneqarneq, taamaattoq tak. §§-it 26 aamma 42.

Imm. 2. Ilinniartitsissummi ilinniartitsinissamut piginnaaneqarnermut ilaapput ilinniartitsissutip qaffasissusai tamarmik,

Imm. 3. Ilinniartitsissummi ilinniartitsinissamut piginnaaneqarnermut ilaapput ilinniartitsissummut tunngasutigut piginnaaneqarneq aamma pædagogikkimik piginnaaneqarneq.

§ 3. Ilinniartitsissummut tunngasutigut piginnaaneqarneq paasineqassaaq tassaasoq, ilinniarnertuunngorniarfimmi ilinniartitsissummi ilinniartitsinissamut pisariaqartumik ilinniakkatigut aamma misilittagaajunnartutigut tunuliaqutaqarneq, tak. kapitali 5.

Imm. 2. Ilinniartitsissummut tunngasutigut pisariaqartumik tunuliaqutaqarnissaq, ilanngussaq 2-mi ilinniartitsissummut tunngasutigut piumasaqaatit annikinnerpaaffissaattut allaaserineqarpoq.

§ 4. Ilinniartitsissummi pædagogikkimik piginnaaneqarneq paasineqassaaq tassaasoq ilinniarnertuunngorniarfimmi ilinniartitsinissamut pisariaqartumik teoretiskimik, ulluinnarni suliatigut aamma ilinniartitsissummut atatillugu ilinniartitseriaatsitigut ilinniagaqarsimassutsikkullu tunuliaqutaqarneq.

Imm. 2. Pædagogikkimik piginnaaneqarneq angussagaanni pædagogikum naammassillugu ingerlassimasariaqarpoq, tak. kapitali 2-4.

§ 5. Teoretiskiusumik pædagogikkimik pikkorissarneq paasineqassaaq tassaasoq, pædagogikkimik nalinginnaasumik aamma oqaatsit ilinniartut ilitsoqqusarinngisaat atorlugit ilinniartitsinermik pikkorissarneq imaluunniit pikkorissarnerit arlaqartut aamma ilinniartitsissumi ilinniartitseriaatsit, ilinniartitsisunngorlaanut pikkorissarnerit, tak. § 6 imaluunniit ilinniartitsissummi ilinniartitseriaatsinik pikkorissarneq ataaseq arlaqartulluunniit, tak § 7.

Imm. 2. Pikkorissarnerit imm. 1-imi taaneqartut tamakkerlugit ilaannakortumilluunniit qarasaasiakkut ingerlanneqarsinnaapput.

§ 6. Ilinniartitsisunngorlaanik pikkorissaaneq paasineqassaaq tassaasoq, ilinniarnertuunngorniarfinni ilinniartitsisunut atorfinerlaanut immikkut ittumik aaqqissuussamik pikkorissaaneq.

§ 7. Ilinniartitsissummi ilinniartitseriaatsinik pikkorissarneq paasineqassaaq tassaasoq, ilinniartitsinermi periutsinik pædagogikkimillu ilinniartitsissutip ilisarnaqutigisaanik atuilluni, ilinniartitsissummi aalajangersimasumi pilersaarusionermik ingerlatsinermillu pikkorissarneq.

§ 8. Ulluinnarni sulinermut tunngasunik pædagogikummi paasineqassaaq tassaasoq, pædagogikummi ilinniartup ilitserorneqarluni siunersiorneqarlunilu atuartitsineratut, tassunga ilaalluni nakkutilliisup pulaarnera aammalu allat atuartitsinerinik nakkutilliinera.

Kapitali 2

Pædagogikummi siunertaa anguniagaalu

§ 9. Pædagogikummi siunertaa tassaavoq, qulakkiissallugu ilinniarnertuunngorniarfinni ilinniartitsisut ilinniartitsinermi pisariaqartumik pædagogikkimik aamma ilinniartitsissumi ilinniartitseriaatsinik piginnaaneqarnissaat aamma ilinniartitsisut ilinniakkap ineriartortinneqarnerani taamatullu ilinniakkap inuiaqatigiillu avatangiiserisat imminnut sunneqatigiiffisigut peqataanissaannut tunngaviliinissaq.

Imm. 2. Ilinniartitsisunik atorfinerlaanik pikkorissartitsisarnerup siunertaa immikkuullarissumik tassaavoq, ilinniartitsisup pissutsinik ilinniarnertuunngorniarfimi ilinniartitsinermut ilisarnaataasunik ilisimasaqalernissaa, tassunga ilanngullugit inuiaqatigiinnut kalaallinut tunngasut, kalaallit kulturiat, ilinniartut ilisimasamikkut, oqaatsitigut aamma inooqatigiissutsikkut tunngavii, ilinniakkamut atatillugu malittarisassat atuuttut taakkualu tunngavii aamma ilinniartut ilitsoqqussaralugu oqaaserinngisaat atorlugit ilinniartitsineq.

§ 10. Pædagogikummi anguniagarai, ilinniartitsisup piginnaasaqarfigissagai:

- 1) nammineq pilersaaruseriaatsip, ilinniartitseriaatsip nalileeriaatsillu aamma teoretiskimik pædagogikkimillu tunngasunut attaveqarfisa eqqarsaatiginissai,
- 2) eqqarsaatersornermut tunuliaquttatut pædagogik nalinginnaasoq ilinniartitsissutinilu ilinniartitseriaatsit pillugit ilisimasat akuleriisinnissaat,
- 3) nammineq ilinniartitsissutigisani ilinniartitsissutigullu ingerlatseqatigiiffinni ilinniartitseriaatsitigut

- periarfissat ilisimanerannik takutitsineq,
- 4) sammisassat ilinniarnertuunngorniarnut attuumassuteqartut ilisimanerisa takutinnissat,
 - 5) ilinniartitsisutut sulinermi aamma ilinniarnertuunngorniarnut demokratii tunngavigalugu ingerlatsiffini, ilinniakkami malittarisassanik atuinnissaq,
 - 6) ilinniartitsissutini ilinniartitsissummut tunngasutigut pædagogikkikkullu inerisaalluni ingerlatsinernut peqataaneq, taamatullu ilinniarnertuunngorniarnut ataatsimut sammisartagaanut aaqqissugaanerannullu naleqqiullugu,
 - 7) ilinniartitsinermi atorussat, IT, av-mi atorut, laboratoriat naapertuuttut aamma sulliviit avammullu sammititamik ingerlatsinerit atorlugit ilinniartitsinermik namminersorluni pilersarusiorneq, ingerlatsineq naliliinerlu,
 - 8) ilinniartitsissummi ilinniartitseriaatsitigut tunngaviit aamma ilinniartitsinermik sulinermilu ilusileeriaatsit assigiinngitsut atorinnissat, tamatumunnga ilanngullugit suleriaatsit, ilinniartitsissutit ataqaatigiiffinnut piviusunut qanittunut attuumassuteqalersitsisut,
 - 9) ilinniartut ilitsoqqussarinagu oqaasiinik ilinniartitsinermi pædagogikkip qanoq pisariaqartinneqartigineramik atorinnissannullu naliliineq,
 - 10) nammineq, allat atuarfullu atugassaanik ilinniartitsinerup inerisarnera eqqarsaatigeqqinneralu,
 - 11) pædagogikummimik sammisassanik Kalaallit Nunaanni pissutsinut naleqqiussisunik toqqartuineq atuinerlu,
 - 12) ilinniartut assigiinngitsut ilinniartitsinermut naleqqiullugu piginnaasaasa ilimagisassallu paasiniarnerat taakkunanngalu naleqqussaaneq,
 - 13) ilinniartut ilinniarisaasiisa assigiinngitsut ikorfartornissat,
 - 14) ilinniartut suleqatigalugit ilinniartitsissutini suliaqarnissamik pilersarusiorneq, tassunga ilanngullugu klassip inaata toqqissisimanartuullunilu peqataatitsiffiulluartumik kultureqalernissannut inerisaaqataaneq,
 - 15) ilinniartut nalileeriaatsinut misilitsinnermilu periaatsinut assigiinngitsunut piareersarnerat,
 - 16) ilitsersuilluni kaammattuutaasumillu siunnersuilluni ingerlatsinernut peqataaneq,
 - 17) immikkut ikorfartuutaasumik sammisassanik ingerlatsinissannullu pilersarusiornerannut taakkunanngalu ingerlatsinernut peqataaneq,
 - 18) ilinniartitsissutini ataasiakkaani ilinniartitsissutillu akimorlugit ilinniartitsineq pillugu ilinniartitsisut allat suleqatiginerannut peqataaneq, tassuunakkut ilaatigut ilinniartitsissutit imminnut sunneqatigiinnissat, ataqaatigiissuseq ilinniartitsinerullu siumukartuarnissaa pilersinneqaqqullugit,
 - 19) ilinniarnertuunngorniarnut avataani aaqqissuussaannngitsumik ilikkariartortarneq pillugu paasinnissimanermik takutitsineq,
 - 20) meeqqat atuarfianni pædagogikkikkut periutsinik atornerqartunik paasinnissimanermik takutitsineq aamma
 - 21) suliffeqarfinnut avataaniittunut, kattuffinnut kiisalu najukkami inuussutissarsiortunik suleqatigiinnissamut periarfissanik paasinnissimanermik takutitsineq.

Kapitali 3

Pædagogikummimik ilinnialersinnaaneq

§ 11. Pædagogikummimik ilinnialernissamut piumasaavoq, ilinniarnertuunngorniarfimmi rektorip ilinniartitsissummi piginnaasamik pineqartumut tunniussaqaarsimanissaa, tak. kap. 5. Aammattaaq piumasaqaataavoq pineqartoq ilinniarnertuunngorniarfimmi aalajangersimasumik atorfinnissaaq siunertaralugu atorfnitsinneqarsimassasoq.

Imm. 2. Ilinniarnertuunngorniarfimmi ilinniartitsisutut atorfnitsinneqarnerup siulliup aallartinnerani, ilinniarnertuunngorniarfiup erngeluni pædagogikummimik ilinniartoq ilinniartitaanermut Naalakkersuisoqarfimmut nalunaarutigissavaa.

Kapitali 4

Pædagogikumip ilusaa, pilersaarusiornera imarisaalu

§ 12. Pædagogikum tassaavoq ilinniartitsisunut atorfinerlaanut ilinniagaq pædagogiskiusoq.

Imm. 2. Ilinniarneq paarlakaattumik ingerlasussatut aaqqissuussaavoq, teoretiskiusumik immikkoortortaqluni, tassunga ilaalluni ilinniartitsisut atorfinerlaat pikkorissarnerat, aamma ilinniartitsissutip ilinniartitsissutiginnisaanik pikkorissarnerit, kiisalu immikkoortoq tigussaasumik suliaqarnermut tunngasoq ilinniarnertuunngorniarfimmi klassini ilinniartitsinermik ilaqartoq.

Imm. 3. Pædagogikumip immikkoortui ataasiakkaat aaqqissuunneqassapput imminnut tapertariittussanngorlugit.

§ 13. Pædagogikum ilinniartitsissummi ataatsimi marlunniluunniit ingerlanneqassaaq. Ulluinnarni pissutsit tamanna ajornartinnigippassuk ilinniartitaanermut Naalakkersuisoqarfup akuersissutigisinnaavaa pædagogikumip ilinniartitsissutini marlunnik amerlanerusuni ingerlanneqarnissaa.

Imm. 2. Pædagogikum naammassineqarsimassaaq ilinniarnertuunngorniarfimmi aalajangersimasumik atorfnitsitaanermut ukiut siulliit marluk ingerlaneranni. Rektorip, inuttut atukkat immikkut ittut, imaluunniit ilinniarfiup pisariaqartitaasa immikkut isumassornissaasa tamanna tapersorneqarsinnaatippassuk, qaqutigunnaq akuersissutigisinnaavaa, pædagogikumip ilinniarnertuunngorniarfimmi atorfnitsinneqarnerup siulliup kingorna ukiut pingasut tikillugit kinguartinneqarnissaa.

§ 14. Pædagogikum ataatsimut katillugu ukiumik ataatsimik sivisussuseqarpoq, sammisassanillu makkunannga ilaqarluni:

- 1) Teoretiskimik pædagogikum, tak. § 5.
- 2) Teoretiskimik pædagogikumimi misilitsinneq.
- 3) Suliamut atatillugu pædagogikum.
- 4) Nammineq ilinniartitsineq, naliliinissamik soraarummeersitsinissamillu piareersarnek taakkunungalugit peqataaneq.
- 5) Ilitersuisumik, pikkorissartitsinermi aqutsisumik aamma nakkutilliisumik suleqateqarneq aammalu ilinniarfimmi ataatsimiinnerit kiisalu isumasioqatigiinnerit, malinnaaneq aamma kaammattuutaasumik siunnersuineq.

Imm. 2. Ilinniartitsisunngorlaanik pikkorissartitsineq, tak. § 6. aamma kaammattuutaasumik siunnersuineq aallartinneqassapput ukiumi atuarfusumi siullermi. Sammisat sinneri nalinginnaasumik aallartinneqassapput ukiut atuarfusut aappaata aallartinneqarnerani. Taamaattoq ilinniarfiup

ingerlatsineq allatut ittumik aaqqissuussinnaavaa, ulluinnarni pissutsit tamanna ajornartinnigippassuk.

Imm. 3. Pædagogikum inuup ataatsip ukiumi ataatsimi suliarisinnaasaanut naatsorsorlugu nalunaaquttap akunnerinik 60 minutsikkaartunik 1784-inik sivisussuseqarpoq. Sammisassat pædagogikummut ilaasut piffissamut atugassamut agguaanneri ilanngussami 1-imi takuneqarsinnaapput.

§ 15. Ilinniarnertuunngorniarfiup akisussaaffigaa, pædagogikummit ilinniartup pædagogikummit ingerlatsinerata siunertamut naapertuuttumik, tak. § 9, pædagogikummit ilinniartup anguniagassatut allassimasunik, tak. § 10, angusisinnaannorlugu aaqqissuunneqarnissaa.

Imm. 2. Ilinniarnertuunngorniarfiup suliarissavaa pædagogikummit suliaasartai pillugit pilersaarut qularnaassallugulu pædagogikummit ilinniartup siunertamut naapertuuttumik suliffimmi atugassaqaarnissaa.

Imm. 3. Pædagogikummit sulinermit immikkoortortaa, malittarisassatut pingaarnertut inissinneqartassaaq piffissami pædagogikummit ilinniartup suliffissaatut akuerisaasup iluani.

Teoretiskimik pædagogikum

§ 16. Teoretiskimik pædagogikummit ilinniartitsinermit qitiusumik ilinniagassat makku ilaapput:

- 1) Ilkkariartortarnek pillugu teoriit, ilkkariartornermi pisartut ilinniartitsisutullu pissusilersuutit.
- 2) Ilinniartitsinermit, sulinermit naliliinermillu ilusileeriaatsit, tassunga ilaallutik oqaatsit ilinniartut ilitsoqqusarinngisaat atorlugit ilinniartitsineq aamma ilinniartitsineq kulturimik aallaaveqartoq.
- 3) Attaveqaatigiittarnek pillugu teoriit aamma suleqatigeeriaatsit, ilanngullugu kulturit akimorlugit ilkkariartortarnek.
- 4) Nammineq ilinniartitsissutigisani tunngaviusumik ilinniartitseriaatsit nalileeriaatsillu, nammineq ilinniartitsissutigisani ileqqut, malittarisassatigut tunngaviit aammalu suleriaatsit, ilinniakkat sammiviini assigiinngitsuni immikkut ilisarnaqutaasunut naleqqiullugit.
- 5) Ilinniartitsissutip, immikkoortup pingaarnerup iluani ilinniartitsissutinut allanut ilinniartitsinermit periutsitigut ataatsimoorfi, aamma immikkoortuni naapertuuttuni immikkoortullu pingaarnerit akimorlugit ilinniartitsissutit imminnut attuumassuteqarfi.
- 6) Ilinniarnertuunngorniarfinni tunngaviusumik aaqqissuussaanikkut ilisarnaatit taakkulu inuiaqatigiinnut avatangiiserisanut attuumassuteqarfi.

Imm. 2. Qitiusumik ilinniagassat itisilerneqassapput paasiuminarsarneqarlutillu ilassutaasumik ilinniagassanik, makkuusinnaasunik:

- 1) Ilinniartitsinermit ilisimatusarneq maanna ingerlanneqartoq, pingaartumik pissutsit Kalaallit Nunaannut immikkut pingaaruteqartut pillugit.
- 2) Ilinniartitsineq pillugu politikkikkut apeqqutit ullutsinni sammineqartut.
- 3) Ilinniartut ulluinnarni ilinniartitsinerannit immikkuaaluttut.

§ 17. Teoretiskimik pædagogikummut ilaavoq, piffissani Ilinniartitaanermit Naalakkersuisoqarfiup aalajangaani, pædagogikummit ilinniartup ilinniartitsissutigisartagaani ilinniartitseriaatsit pillugit ilassutaasumik pikkorissarneq.

§ 18. Teoretiskimik pædagogikummimik ilinniartitsineq ilisimatusarfimmi Ilinniartitaanermut Naalakkersuisoqarfimmit ingerlatsinissamut akuerisaasumit, ingerlanneqassaaq, taamaattoq tak. imm. 2.

Imm. 2. Ilinniartitaanermut Naalakkersuisoqarfiup imaluunniit pikkorissaasut pikkorissaasulluunniit arlaqartut Naalakkersuisoqarfiup toqqagaata, ilinniartitsisunngorlaanik pikkorissaaneq ingerlatissavaat.

§ 19. Ilisimatusarfiup, teoretiskimik pædagogikummimik ingerlatsisussatut toqqagaasimasup, tak. § 18, imm. 1, teoretiskimik pædagogikummi ilinniakkatut aaqqissugaanera - ilinniartitsisunngorlaanik pikkorissaaneq kisiat pinnagu - aalajangersassavaa.

Imm. 2. Ilinniakkap aaqqissugaananut ilaassapput, sammisassat teoretiskimik pædagogikummiut ilaassussat pilersaarutaat, tamatumunnga ilanngullugit pikkorissartitsinerit taakkualu qaammatisiutit malillugit inissinneqarfissaat, aamma nammineerluni najuunnissaq pillugu piumasaqaataajunnartut, piareersarnissamik suliallu tunniunneqarnissaannik piumasaqaatit.

Imm. 3. Ilinniakkap aaqqissugaanera Ilinniartitaanermut Naalakkersuisoqarfimmit akuersissutigineqassaaq.

Teoretisk pædagogikummi misilitsinneq.

§ 20. Pædagogikummi ilinniartuq, pikkorissarnerit tamarmik, tamatumunnga ilanngullugu ilinniartitsissummi ilinniartitseriaatsinik pikkorissarneq, naammassippatta, teoretisk pædagogikum naggaserlugu sapaatip-akunneranik ataatsimik sivilissusilimmik misilitsissaaq.

Imm. 2. Taamaattoq rektorip akuersissutigisinnaavaa misilitsittoqassasoq, allanngortinneqarsinnaanngitsumik tigussaasunik peqquteqarluni, pædagogikummi ingerlanissaatut pilersaarutaasut naapertorlugit pikkorissarnerit immikkuualuttortaata ataasiakkaat, naammassineqarsimanngikkaluarpataluunniit, pædagogikummi ilinniartup nammineq ilinniarnermigut imaluunniit kingusinnerusukkut ilassutaasumik ilinniartinneqarnermigut anguniakkat § 10-mi aalajangersarneqartut anguppagit.

§ 21. Misilitsinneq allattariarsorneruvoq aammalu Ilinniartitaanermut Naalakkersuisoqarfimmit suliaassutigineqartarluni soraarummeerutissaliornermut ataatsimiititaliap innersuussereerneratigut, tak. § 22.

Imm. 2. Misilitsinnermi teori suliamullu tunngasut akuleriisinneqassapput, aamma nalinginnaasumik pædagogikkimut ilinniartitsissummilu ilinniartitseriaatsinut tunngasunik ilaqassalluni, ilutigisaanillu piumasaavoq pædagogikummi ilinniartup akissuteqarnermini nammineq ilinniartitsinermini suleriaatsiminik misilittakkaminillu ilaatsinissaa.

Imm. 3. Misilitsinneq ilinniarnertuunngorniarmut pædagogikummi ilinniartup suliffiani pissaaq, ukiullu atuarfusup naalernerani sapaatip-akunnerani ataatsimi itaqatigiissumik ingerlanneqassalluni.

§ 22. Ilinniartitaanermut Naalakkersuisoqarfiup soraarummeerutissaliornermut ataatsimiititaliaq pilersissavaa, imaluunniit soraarummeerutissaliornermut ataatsimiititaliaq, ilisimatusarfimmit, danskit ilinniartitaanermut ministerianit Danmarkimi teoretisk pædagogikummi ingerlatsinissamut akuerisaasumit akuerineqarsimasooq, suleqatigissallugu.

Imm. 2. Ataatsimiititaliap teoretisk pædagogikummimi suliaakkiissutissamut siunnersuut suliarissavaa, siunnersuullu ilinniartitaanermut Naalakkersuisoqarfimmit akuersissutigineqassalluni.

§ 23. Misilitsinnermi akissut soraarummeernermi naliliisunik marlunnik ilinniartitaanermut Naalakkersuisoqarfimmit toqqarneqarsimasunik naliliiffigineqassaaq, taakkua peqatigiillutik Greenlandic Grading System skala malillugu karakteriliissapput.

Imm. 2. Naliliinerup ersersissavaa pædagogikummimik ilinniartup teoretisk pædagogikummimi anguniakkat qanoq annertutigisumik naammassisimanerai, tassanilu pingaartillugit isiginiarneqassapput pædagogikummimik ilinniartup makkunuuna piginnaasai:

- 1) nalinginnaasumik pædagogikkimi ilinniartitsissumilu inniartitseriaatsini oqariaatsit, teoriit periutsillu atorsinnaanerat apersuusersuisumillu isummersorfiginerat aamma
- 2) nammineerluni atuartitsinnermut naleqqiullugu teoriinik suliallu akuleriisissinnaanerat.

Imm. 3. Misilitsinneq angusiffigineqassaaq, pædagogikummimik ilinniartup minnerpaamik karakteri E (2) anguppagu.

§ 24. Soraarummeernermi naliliisut marluk ataatsimoorussamik karakteriliinissaq isumaqatigiissutigisinnaanngikkunikku, soraarummeernermi naliliisut immikkoorlutik karakteriliissapput, inerniliussatullu karakteriliussaq tassaassaaq karakteriliussat taakkua marluk agguaqatigiissinnerat. Agguaqatigiissitsineq akunnaallisinneqassaaq akunnaalliliisitsinnermut malittarisassat nalinginnaasut malillugit, taamaattoq tak. imm. 2.

Imm. 2. Agguaqatigiissitsinerup E (2) ataappagu, misilitsinneq angusiffiussanngilaq.

§ 25. Pædagogikummimik ilinniartuq tamakkiisumik ilaannakortumilluunniit allap suliarisimasaanik nammineq suliamisut saqqummiisimanagera paasineqarpat imaluunniit tunngavissalimmik pasinartoqarpat, soraarummeernermi naliliisup tamanna ilisimatusarfimmut nalunaarutigissavaa, pædagogikummimillu ilinniartumik soraarummeernermilu naliliisunik tusarniaareernikkut aalajangissallugu, suliaq ilinniartitaanermut Naalakkersuisoqarfimmut nalunaarutigineqassanersoq.

Imm. 2. Ilinniartitaanermut Naalakkersuisoqarfik aalajangiissaaq misilitsinnermi akissut tunniunneqarsimasoq akuerinngitsoorneqassanersoq.

§ 26. Pædagogikummimik ilinniartuq napparsimanermik imaluunniit akuerisaasumik allamik peqquteqarluni misilitsinnermik naammassinissinnaasimanngippat imaluunniit pædagogikummimik ilinniartuq angusinngitsoorsimappat misilitsissutaaluunniit akuerisaanngitsoorsimappat, pædagogikummimik ilinniartuq ukiumi atuarfusumi tullermi nutaamik misilitseqqinnissamut periarfissinneqassaaq.

Imm. 2. Pædagogikummimik ilinniartuq misilitsinnermi angusinissaminut pingasoriarluni misiliisinnaavoq.

Suliutigaluni pædagogikummimik ilinniarneq aamma nammineq ilinniartitsineq

§ 27. Suliutigaluni pædagogikummimik ilinniarneq nalinginnaasumik ingerlanneqartarpoq ilinniarnertuunngorniarnikkut pædagogikummimik ilinniartup atorfeqarfigisaani, ingerlanneqassallunilu pædagogikummimik ilinniartup ilitersorneqarluni ilinniartitsineratut aamma ilitersuisup klassini

ingerlataani ilinniartitsinermik malinnaanikkut, kiisalu pædagogikummimik ilinniartup ilinniartitsissutini immikkoortunilu allani nammineq suliarisanngisamini ilinniartitsinermik malinnaaneratigut.

Imm. 2. Iltersuinerup imm. 1-imi taaneqartup ilaa inissinneqarsinnaavoq pædagogikummimik ilinniartup nammineq klassiinut.

Imm. 3. Sammisassat sulitigaluni pædagogikummimik ilinniarnermut namminerlu ilinniartitsinermut ilaasut, pædagogikummimik ilinniartup pædagogikummimik ilinniarnermi ilinniartitsissutigisaanut naligiikkannersumik agguanneqassapput, tamatumunnga ilanngullugit sammisassat ilinniartitsissutini allanik peqataatitsinermik ilaqartut.

§ 28. Pædagogikummimik ilinniartup sulitigaluni pædagogikummimik ilinniarnernut ilinniartitaanermut Naalakkersuisoqarfik nakkutilliisumik ataatsimik imaluunniit arlalinnik toqqaassaaq, pædagogikummimik ilinniartup ilinniartitsissutigisartagaasigut piginnaaneqartunik. Tamanna pisinnaanngippat ilinniartitaanermut Naalakkersuisoqarfiup aammattaaq nakkutillieqataasartussaq toqqarsinnaavaa, pikkorissartitsinermi aqutsisumut nakkutilliisumullu ikiuuttussaq.

Imm. 2. Ilinniarnertuunngorniarfiup pædagogikummimik ilinniartup suliffigisaata toqqassavai pædagogikummimik ilinniartup ilinniartitsissutigisartagaani pædagogikummimik iltersuisartussat aamma pikkorissartitsinermik aqutsisoq ilinniartitsinermik piginnaasaqartoq.

Imm. 3. Aammattaaq ilinniarnertuunngorniarfik immikkut iltersuinikkut kaammattuutaasumillu iltersuinikkut suliassanut iltersuisumik toqqaasinnaavoq.

§ 29. Nakkutilliisup suliassaraa pædagogikummimik ilinniartup ilinniarnernata ingerlanera tamaat nakkutigissallugu aammalu pædagogikummimik ilinniartumut iltersueqataassalluni, tamatumunnga makku ilanngullugit:

- 1) pædagogikummimik ilinniartup ilinniartitsinernik marloriarluni pulaarneratigut malinnaaneq,
- 2) pædagogikummimik ilinniartup suliap tungaatigut piginnaasaqarnerata pisariaqartutigit uppersaateqarnerata nakkutiginissaa,
- 3) pulaarnermut siullermut atatillugu naliliineq iltersuinerlu,
- 4) pædagogikummimik ilinniartup sulitigaluni pædagogikummimik ilinniarnermi angusineranik naliliineq kiisalu
- 5) pikkorissartitsinermut aqutsisup missingiutaa tunngavigalugu pædagogikummimik ilinniarnermut oqaaseqaasiorneq.

Imm. 2. Imm. 1, nr. 4 naapertorlugu aalajangiinerit pulaarnerup kingulliup kingorna pikkorissartitsinermut aqutsisumik oqaloqateqareennikkut pissapput.

§ 30. Nakkutilliisoq isumaqaruni, pædagogikummimik ilinniartup ilinniarnernata ingerlanernut atatillugu annertuumik amigaaqartoqartoq, tassunga ilanngullugit pædagogikummimik ilinniartup ilinniakkatigit piginnaasaanut uppersaatinut attuumassuteqartut, nakkutilliisoq rektorimut saaffiginnessaaq, pissutsit iluarsineqaqqullugit Naalakkersuisoqarfillu tamanna pillugu ilisimatillugu.

Imm. 2. Nakkutilliisup amigaataasunut paasineqartunut naleqqiullugu aaqqiissutissanik naammaginnartunik angusaqanngikkuni, nakkutilliisoq ilinniartitaanermut Naalakkersuisoqarfimmut nalunaarutiginnissaaq, taassumalu aalajangissavaa iliuuserineqarsinnaasut suut aallartinneqassanersut.

§ 31. Pikkorissartitsinermi aqutsisup suliassarai:

- 1) pædagogikummimik ilinniartuq suleqatigalugu pædagogikummimik ilinniartup ilinniarnernata tamarmiusup pilersarusiornissaa ataqatigiissarnissaalu,
- 2) pædagogikummimik ilinniartup pædagogikummimik ingerlatsinissaata pilersarusiornera,
- 3) pædagogikummimik ilinniartup iliniartitsineranik malinnaaneq,
- 4) pædagogikummimik ilinniartup pædagogikummimik ilinniarnera pillugu oqaaseqaatissamut siunnersuusiorneq qulakkeerlugu kiisalu
- 5) pædagogikummimik ilinniartup pædagogikummimik angusisinnaanera pillugu nakkutilliisumik oqaloqateqarneq.

§ 32. Pædagogikummimik ilinniarnermi ilitersuisup suliassarai

- 1) Pædagogikummimik ilinniartup suliart tungaasigut aamma pædagogiskimik ilitersornissaa, tamatumunnga ilanngullugu pædagogikummimik ilinniartup pædagogikummimi anguniakkanik angusaqarnissaanut peqataaneq,
- 2) ilinniartitsinerup pilersarusiornernanut, ingerlanneranut nalilerneranullu atatillugu pædagogikummimik ilinniartumik ilitersuineq,
- 3) ilitersuisup aamma pædagogikummimik ilinniartup klassiini ilitersuisoqartillugu peqataaneq,
- 4) atuartitsinermut ilinniartup nammineerluni atuartitsineranut atatillugu pisariaqartitsineq naapertorlugu siunnersuineq,
- 5) nakkutilliisup pulaarnerani najuunneq aammalu tassunga atatillugu isumasioqatigiinnerni peqataaneq aamma
- 6) pikkorissaanermi pisortap pædagogikummimut ilinniartup pædagogikumnera pillugu oqaaseqaatissatut missingiusiornernanut siunnersuineq.

Kapitali 5

Ilinniartitsissummi ilinniartitsinissamut piginnaasat

§ 33. Ilinniartitsissummi ilinniartitsinissamut piginnaaneqalernissamut piumasaqaataavoq ilisimatusarfimmi imaluunniit qaffasinnerusumik ilinniarfimmi allami angusilluni kandidatitut soraarummeersimanissaaq, tassunga ilanngullugit ilinniarnertuunngorniarnifinni atuarnermi ilinniartitsissummi ataatsimi imaluunniit arlalinni immikkut sammisaralugit ilinniakkat, taamaattoq tak. imm. 2 aamma § 35. Ilinniartitsissutit naligiissitat marluk tapertariissillugit ilinniarnermi ilinniartitsissutit tamarmik tassaassapput ilinniarnertuunngorniarnifinni ilinniartitsissutigineqartartut. Aammattaaq piumasaqaataavoq ilinniartitaaneq immikkoortuni ataasiakkaani aammalu ataatsimoorluni ilinniakkat tungaasigut periutsitigulluunniit ima annertussuseqarlunilu itisileriffussasoq, ilinniartitsisoq ilinniarnertuunngorniarniluni ilinniakkami anguniakkanut naleqqiullugu suliap tungaatigut illersorneqarsinnaasumik ilinniartitsisinnaassariaqarluni, tak. § 34.

Imm. 2. Ilinniartitsissummi ilinniartitsinissamut piginnaasat aammattaaq pissarsiarineqarsinnaapput ilinniakkamik allamik ilinniagaqarnikkut, tamatuma kingorna suliarnut piginnaasaqalersitsisumik inuussutissarsiummik suliagarnermik malitseqarsimasinnaasumik.

Imm. 3. Ilinniartitsisut, ilinniartitsissutinik inuussutissarsiutinut sammisunik ilinniartitsisussat, inuussutissarsiummik misilittagaqartuussapput.

§ 34. Ilinniartitsissummi ilinniartitsinissamut piginnaatitsinermut naleqqiullugu rektorip nalilissavaa ilinniartitsisup ilinniakkatigut piumasaqaatit annikinnerpaaffissaat, tak. ilanngussaq 2, ilinniartitsissummi piumasaqaataasut, ilinniartitsisup naammassisimanerai, taamaattoq tak. imm. 2.

Imm. 2. Ilinniakkatigut piumasaqaatit annikinnerpaaffissaanni imarisaasut ilaat ataasiakkaat, rektorip aalajangiinerata kingorna imarisamikkut allanik taarserneqarsinnaapput, tamanna toqqaannartumik ilinniartitsissummut naapertuuppat.

Imm. 3. Ilinniakkatigut annikinnerpaaffissat qularnaassavaat, ilinniartitsisup ilinniagaa ilinniakkat tungaasigut periutsitigullu ima annertussuseqarlunilu itisileriffutigisimasoq, pineqartoq ilinniakkat tungaasigut illersorneqarsinnaasumik ilinniartitsissummi ilinniarnertuunngorniarninni ilinniartitsisusinnaalluni, tassunga ilanngullugit ilinniartitsisup

- 1) piginnaaneqarfigissagai ilinniartitsissutit tunngaviusumik sammisaqarfii, tunngaviusumik teoriit suleriaatsillu, ilinniartitsissutit ilikkagassatut pilersaarutaani taakku saqqummernerit naapertorlugit,
- 2) ilinniartitsissutit ilinniagassartaanik tamakkiisumik qimerluuisinnaallunilu paasinnissimaneq,
- 3) ilinniartitsissutit atortorisaanik ilisimasaqarlunneq, tassunga ilanngullugu pædagogikkummi ilinniartup suliamut atatillugu IT-mik ullutsinnut naleqquttumik atuisinnaassuseqarnera,
- 4) suliamut tunngatillugu saqqummiinernik naliliisimaneq, tamatumunnga ilaatillugit ilinniarnermi atortussiat,
- 5) allattariarsorluni oqaluttariarsorlunilu saqqummiussinissaq siunertarlugu suliami apeqqutiniq oqaasertaliisimaneq, suliarinnissimaneq allanullu sanilliussisimaneq nunanut tamalaanut aamma Kalaallit Nunaanut ataneqartillugit,
- 6) pisariaqartitsineq naapertorlugu aamma ilinniartitsissutit ineriartortinneqarnerata peqatigisaanik inuiaqatigiinnilu avatangiiisigisani apeqqutitut atasumik suliami ilisimasassanik nutaanik ujarlersimaneq,
- 7) ilinniartitsissummi taaguusersuutit allattariarsornikkut oqaluttariarsornikkullu ilisimasaqarneq aamma ilinniartitsissummi taaguusersuutit ilisimasalinnginneranni oqariaatsinik ilisimaqqaartariaqartunik kalaallisut oqaaseqarfiusumut naapertuuttunik pingaarutilinnik ilisimasaqarneq,
- 8) ilinniartitsissummi, ilinniartitsissutit naapertuuttut allat peqataatillugit, ilinniartitsisimaneq,
- 9) ilinniartitsissutit teknikkimut aamma pinngortitamik ilisimatusarnermut tunngasuni sullivinni aamma laboratoriani sillimaniarnerup tungaatigut isumannaalluinnartumik ilinniartitsisimaneq aamma ilinniartitsinermi misileraanerit, asiarluni pikkorissaanerit il.il. ingerlannissaannut suliamut atatillugu pædagogiskimillu tunuliaqutaqarnissaq aamma
- 10) ilinniarnertuunngorniarninni suliaannut tamarmiisunut atatillugu suliamik ilinniakkat atorlugit sulisimaneq.

Imm. 4. Ilinniartitsisup suliamut atatillugu piumasaqaatinik annikinnerpaanik naammassininneranik naliliinissamut atugassamik, naliliineq qularutigineqarpat, rektorip ilisimatusarfik naapertuuttoq qinnuigissavaa ilinniakkat allanut naleqqiullugit nalilersueqqullugu, tamatumunnga ilanngullugu ilinniartitsisup ilinniakkamigut tunuliaqutai ECTS-pointinik qassinik annertussuseqarnerisut.

§ 35. Teknikkimut teknologiimullu tunngasuni, attaveqatigiinnermi teknologii ilanngullugu, pinngortitamik ilisimatusarnermut aamma inuussutissarsiornikkut aningaasaqarnermut tunngasuni ilinniartitsisunut rektorip ilinniartitsissutit piginnaasaqarneq akuersissutigisimaneq, ilinniartitsissutit ilinniartitsisup annikinnerpaaffissat naammassisimappagit, tak. § 34 aamma ingeniørhøjskolimi,

handelshøjskolimi imaluunniit ilisimatusarfimmi minnerpaamik ukiunik pingasunik affarmillu sivilissusilimmik ilinniakkamut tunngassuteqartumik annertusisamik ilinniaqqissimappat, ilinniagaq tamatuma malitsigisaanik minnerpaamik ukiuni marlunni naapertuuttumik inuutissarsiutitigut misilittagaqalernermik ilinniaqqinnermilluunniit ilaqartinneqarpat

§ 36. Rektorip qulakkiissavaa, pædagogikummimik ilinniartut Kalaallit Nunaata kulturianik, oqaluttuarisaanerani aamma oqaasiinik suliaqarsimanngitsut, atorfinitsitaanerisa ukiuani siullermi pineqartunut tunngatillugu piginnaasaasa annertusarneqarnissaat.

Imm. 2. Piginnaasanik annertusaanermut ilaapput kulturi tunngavigalugu ilinniartitsineq, ilinniartut ataasiakkaat piginnaasaat aallaavigalugit ilinniartitsineq aamma oqaatsit ilinniartut ilitsoqqussarinngisaat atorlugit ilinniartitsineq.

Kapitali 6

Pædagogikummimi ilinniareersimasat akuerisaanerat

§ 37. Rektorip qinnuteqaateqartoqareerneratigut akuerisinnaavai pædagogikummimik ilinniartup ilinniareersimasai taakkualuunniit ilai, siusinnerusukkut piginnaasarilersimasat tunuliaqutaralugit, taakku nassatarippassuk pædagogikummimik ilinniartup tamakkiisumik ilaannakortumilluunniit ilinniartitsinermik piginnaasaqalernissamut piumasaqaatinik naammassinninnera.

Imm. 2. Ilinniartitsissummi ilinniartitseriaatsinik pikkorissarneq ilinniareersimasatut akuerineqarsinnaanngilaq.

Imm. 3. Ilisimatusarfiup, teoretiskimik pædagogikummimik ingerlatsisinnaasutut, tak. § 18, akuerisaasup ilinniareersimasat teoretisk pædagogikummimut attuumassuteqartut akuersissutigisassavai.

§ 38. § 37-mi, imm. 1 malillugu qinnuteqaat tunniunneqassaaq pædagogikummimik ilinniarnerup allartinneqannginnerani.

Imm. 2. Pædagogikummimik ilinniartup nammineq pisussaaffigaa ilinniareersimasat akuerineqarnissaannik qinnuteqarnermi uppersaatsissat pisariaqartut pissarsiarinissaat.

§ 39. Rektorip § 37 malillugu allamik ilinniareersimasanik akuersineq ilinniartitaanermut Naalakkersuisoqarfimmut nalunaarutigissavaa.

§ 40. Ilinniartitsinissamut piginnaaneqarnermut uppersaasummi nalunaarutigineqassaaq pædagogikummimik ilinniartup ilinniareersimasat akuerisaanerat tunuliaqutaralugu pædagogikummi immikkoortui sorliit pisussaajunnaarsimanerai.

Kapitali 7

Ilinniartitsinissamut piginnaatitsissut aamma uppersaasat

§ 41. Pædagogikummimik ilinniartup ilinniartitsissummi pædagogikummimi ilinniagaani ilinniartitsinissamut piginnaatitsissut rektorip tunniuttarpaa makkua piumasaqaatigalugit 1) pædagogikummimik ilinniartumut suliamik ingerlatsinissamut piginnaatitsissutip

tunniunneqarsimanissaa, tak. § 11,

2) teoretisk pædagogikummimi misilitsinermi angusimanissaa, tak. § 20, aamma

3) nakkutilliisup aalajangereersimassagaa pædagogikummimik ilinniartup sulitigaluni pædagogikummimik ilinniarnermi angusisimanera, tak. § 29, imm. 1, nr. 4.

§ 42. Ilinniartitsisut, ilinniartitsissummi ataatsimi amerlaneruiluunniit Danmarkimi imaluunniit nunat avannarliit allat arlaanni ilinniartitsinissamut piginnaanilerneqarsimasut, assingusumik qaffasissusilimmik ilinniarnertuunngorniarfinni ilinniartitsinissamut piginnaanilerneqassapput.

§ 43. Ilinniartitsisoq ilinniartitsinissamut piginnaanngorsareersimasooq ilinniartitsissummi ataatsimi arlalinniluunniit piginnaanngorsaqqissimaneq ilinniartitsissummilu ilassutaasumik ilinniartitseriaatsinik pikkorissarsimaneq tunuliaqutaralugit ilinniartitsissutini nutaani ilinniartitsinissamut piginnaaniligaasinnaavoq.

§ 44. Rektori pissutsini immikkorluinnaq ittuni, annerpaamik ukiut ataasiakkaarlugit, aammalu taamaallaat ilinniarnertuunngorniarfimmumut pineqartumut atuuttumik, ilinniartitsisumik ilinniartitsissummi ataatsimi imaluunniit amerlanerusuni ilinniartitsinissamut piginnaatitsissutaagallartumik tunniussinnaavoq, atorfik pillugu allagarsiinikkut allatulluunniit iliornikkut ilinniartitsinerup ilinniartitsisumit piginnaassusilikkamit isumagineqarnissaa periarfissarsissunneqarsimanngippat.

Imm. 2. Ilinniartitsinissamut piginnaatitsissutaagallartoq taamaallaat marloriarluni tunniunneqarsinnaavoq, ilinniartitaanermut Naalakkersuisoqarfiup, ilinniartitsisup pineqartup ilinniarnernut pilersaarussiaq tunngavigalugu, ilinniartitsinerumut piginnaanilerneqarallarneqarnissaa akuerippagu.

Imm. 3. Ilinniartitsisut, ilinniartitsinissamut piginnaatitsissutaagallartumik tunineqarsimasut, sapinngisartik naaportorlugu ilinniartitsinerumut piginnaatitsissummik tunniussinermut piumasaqaatit naammassiniassavaat.

§ 45. Ilinniartitsinerumut piginnaatitsissummumut tunniunneqartumut rektori uppersaasiussaaq. Uppersaasat ilinniartitaanermut Naalakkersuisoqarfimmit atsiorneqassaaq.

Imm. 2. Uppersaasatip imarissavai:

1) Ilinniartitsinerumut piginnaatitsissut ilinniartitsissutinut sunut tunngasuunersoq.

2) Teoretisk pædagogikummimi misilitsinnermi karakteri aammalu ilinniareersimasat akuerisaajunnartut pillugit paasissutissat, tak. § 37.

3) Pædagogikummimit oqaaseqaat, tak. imm. 3, tassani allaaserineqassallutik pædagogikummimik ilinniartup pædagogikkimik nalinginnaasumik piginnaaneri, tassunga ilanngullugit makkunani piginnaasat:

a) ilinniartitsinerup pilersaarusiornera, ingerlannera nalilernalu,

b) sulinerup aamma teoretiskimik pædagogikkikkut isumaliutiginninnerit imminnut atassusernissaat

c) nammineq, allat atuarmiut atugassaanik ilinniartitsinerup ineriarnera eqqarsaatigeqqinneralu aamma

d) ilinniarnertuunngorniarfimmi ilinniartitsinerumi suliaasinilu allani suleqataasinnaaneq.

Imm. 3. Pædagogikummimi oqaaseqaat nalinginnaasumik suliarineqassaaq pædagogikummimik ilinniartitsissutinut ilinniartup ilinniagaanut tamanut atuuttumik. Taamaattoq suliami pissutsit immikkut

ittut atuuppata, pædagogikummimik oqaaseqaat pædagogikummimik ilinniartup ilinniartitsissutini ilinniagaani tamani immikkut suliarineqarsinnaavoq.

Kapitali 8

Naammagittaalliorneq

§ 46. Ilinniartitsisoq tunngavilersukkamik imminullu tunngatillugu, inatsisitigut pissutsit nalunaarut manna malillugu aalajangiinernut attuumassuteqartut pillugit naammagittaalliuteqarsinnaavoq.

Imm. 2. Naammagittaalliut ilinniartitaanermut Naalakkersuisoqarfimmut qaatiguuliorneqassaaq ilinniarnertuunngorniarmullu tunniunneqassalluni.

Imm. 3. Naammagittaalliut kingusinnerpaamik tunniunneqassaaq naammagittaalliortup naammagittaalliutaasunik ilisimasaqalerneraniit sapaatip-akunnerisa marluk qaangiunneranni.

§ 47. Ilinniarnertuunngorniarmut naammagittaalliortoq naammagittaalliuteqarnissamut ilitsersussavaa.

§ 48. Naammagittaalliummut pissutsit teoretisk pædagogikummimut tunngasut ilaappata, ilinniartitsisunngorlaa pikkorissartinneqartarnerat pinnagu, ilinniarnertuunngorniarmut naammagittaalliut pillugu ilisimatusarfimmit, teoretisk pædagogikummimik ingerlatsinissamut akuerisaasimasumit, oqaaseqaat piniassavaa, tak. § 18, imm. 1.

§ 49. Rektorip sapingisamik piaarnerpaamik, tiguneraniillu kingusinnerpaamik ullut 14-it qaangiuppata naammagittaalliut suliamilu pappialat, nammineq suliamut nassuiaatini ilanngullugit, Ilinniartitaanermut Naalakkersuisoqarfimmut nassiutissavaa.

Imm. 2. Rektorip nassuiaataa suliap qanoq aalajangiiffigineqarnissaanut inassuteqaammik imaqaarsinnaavoq.

Imm. 3. Rektorip nassuiaataa suliarinissaata nassatarippagu peqataasunit avataaneersunit naliliinernik piniarnissaq tamatumani ilanngullugu ilisimatusarfik teoretisk pædagogikummimik ingerlatsisimasoq, peqataasunit tusarniaasoqassaaq ima, naammagittaalliortoq nalinginnaasumik sapaatip-akunneranik ataatsimik piffissalerlugu, naliliinerit pissarsiarineqarsimasut oqaaseqarfiginissaannut periarfissinneqassalluni.

§ 50. Ilinniartitaanermut Naalakkersuisoqarfup naammagittaalliutit ilalerneqarnissaa imaluunniit tunuartinneqarnissaa aalajangiiffigissavaa.

Imm. 2. Naammagittaalliut ilalerneqarpat, Ilinniartitaanermut Naalakkersuisoqarfup tamatumaa qanoq kinguneqartinneqarnissaa aalajangiiffigissavaa.

Kapitali 9

Atuutilernissaanut aamma ikaarsaariarnermut malittarisassat

§ 51. Nalunaarut atuutilissaaq 1. oktober 2015-imi, ilinniartitsisunullu pædagogikummimik ilinniarnermik 1. august 2015-imi kingusinnerusukkulluunniit aallartitsisimasunut atuutissalluni.

Imm. 2. Taamaattorli ilinniartitsisut, pædagogikummimik ilinniarnerminnik 1. august 2015 sioqqullugu

allartitsisimasut, ilinniarnertik ingerlatiinnarsinnaavaat ilinniarnertu taanna naammassillugu malittarisassat maannamut atuuttut malillugit, tamannalu tunngavigalugu ilinniartitsisinnaanermut piginnaatitsissummik tunineqarsinnaallutik.

Imm. 3. Ilinniartitsisut, siusinnerusukkut malittarisassat tunngavigalugit GUX-mi, hxx-imi aamma hxx-imi ilinniartitsisinnaanerminnik akuerisaasimasut, ilinniarnertuunngorniarfimmi ilinniartitsisinnaajuassapput.

Imm. 4. Ilinniartitsisut, siusinnerusukkut ilinniartitsissutini ilinniartitsissutaasuni ilinniartitseriaatsinik pikkorissarsimanngitsut, nalunaarutip atuuttussanngortinneqarneraniit ukiunik marlunnik piffissalerlugit, ilinniartitsissutini ilinniartitseriaatsinik pisariaqartunik pikkorissarsimassapput, ilinniartitsisooqatigiinnut maani pineqartunut immikkut ittumik aaqqissuunneqarsinnaasumik.

Imm. 5. Ilinniartitaanermut Naalakkersuisoqarfik, ilinniartitsisunut pædagogikummimik ilinniarnermik nutaamik aallartitsisoqarnissamik ilimasullutik atorfininnerminnut atatillugu pædagogikummimik ilinnialersimanngitsunut, rektorimit tamanna pillugu qinnuteqarfigineqarnermigut pædagogikummimik ilinniarnermik immikkut eqikkakkamik ingerlatsinissamik akuersissuteqarsinnaavoq.

Namminersorlutik Oqartussat, ulloq 17. september 2015

Nivi Olsen

/

Mikael Kristensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut